

Yunuus, Dapel, Daawuuda, kay Sileymaani.
Hada waawi nande huunde e ciimti he e
nokkuuji godfii, kono Deftere Seniinde nde
siimtat heen ciimtol fof haa timma!

Ar Yiitu Kaawisa Maa

Kala cadeele de ngondudaa, Deftere
Seniinde nde ina jogani maa ciimtol kaawisa:

- Mbela ko a jawdo walla hada wondi e jawdo? Jajngu ko fayti e cellingol Naamaan, mawdo konu leydi Siri gondunoodo e jaw baras o.
- Mbela hada sippiree ngam jamminde besngu maa? Jajngu ko fayti e debbo canjoraado o e biɗngel mum gorel to leydi Libaɗ, o daɗiino e fatara bondo tawi ko nehal seeda kay womre wootere conndi o joginoo.
- Mbela maayde ina denyini nguurndam maada? Jajngu ko fayti e Ebed-Melek, maccudo gooto to laamorgo Ecopi, daɗɗanoodo e maayde e tuma hare sabaabu nde fawde hoolaare makko e Geno.
- Mbela hada sikki ko a tumaraɗke? Jajngu ko fayti e Hagaar Ecopinaajo o, jiido kaawisaaji Geno nde o riiwaa nde.

- Mbela hada muti e nder cafeelee aduna?
Janyngu ko fayti e Yeesu Almasiihu nde
o fori janyngu makko o furii henndu
mooltanaandu ndu haa o dadndi
almuɓɓe makko ɓe e joolagol laana ngol.

Jaabowuuji Kaawniidi


So heden njannga Deftere Seniinde nde, en keewat hoolaare ngam wadde duwaawu gondudo e damaawu moyyo. Yeesu Almasiihu wiʼi, “Kala ko jaagori-don tornde, tawi hodon ngoonɗini, on kebat” (Macca 21: 22). So en njanngi ciimti wobbɛ hebbɛ kaawisaaji to Joomiraado, berde men keewat damaawu haa mbaawen huccitinde naagule men dow.

Mbela hada sokli kaawisa? Heb semmbe e kaawisaaji gondi e Deftere Seniinde he tee jaago Geno rokku-maa mo maada. E goonga, maa o nanan ma jaagungal maa hannde!

So tawii hada yidhi beydude ganndal ko fayti e kaawisaaji e nder Deftere Seniinde he, jokkondir e amen e ko winndaa ko caggal oodfoo kaayit.

Copyright @ 2023 by Sharing Hope Publications. Dee golle ina mbaawi fecceede e wobbé tawa wonaa e coqqu hay so alaa yamiroore.

Binndi di ittaa ko e deftere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.



Besngu gooto jaajdo ina joginoo damaawu hebde bural e nguurndam mum'en. O subii dannanaade leydi ngonndi. Kono dannal ngal noon weebaano; ko maa be tacca jeereende yaajnde be taccira nde koyde. Gooroode ina ngonnoo toon, kay jahe, kay nguleeki mbonki. So tawii won e mabbe jawbe walla leefdube keddii caggal, mbaaf-boneeji en njanat e mum'en.

Tan be ngayni naamdu be njoobinoo ndu, kono hooreejo mabbe o naagii Geno yoo wad kaawisa. Janngo e mum, nde be pini subaka, be tawi tayatine tokoose bayde no mburu nih ina carii bar yoo bar. Ko dum huunde welnde, hono no mbiskiit e njuumri nih. Ina heewno haa gooto e mabbe fof waawa naamde haa haara! Be booyii taar-tarnude e jeereende he hade mabbe taccude nde, tee jalawma fof mburu o ummoroo dum'en dow asamaan. Jettoode ngoodanii Geno, be ndadnanooma!

Ngol ciimtol ina haawnii, kono ko huunde wadnoonde. Ko gootol e ciimti ciimtaadi di e Deftere Seniinde he, woni deftere Tawraat, Zabuur, kay Linjiila. Deftere Seniinde nde ina wadi teemedde teemedde ciimti goonga e goonga, keewdi e majji tuugnii ko e kaawisaaji di Geno wadi e nder nguurndam heewbe.

Ko deftere faayodinnde e oo jamaanu men hannde, nde yimbe heewbe cokli kaawisaaji e nguurndam mum'en.

Kaawisaaji Jamaanu Hannde

E dii duubi battandiidi, en nji'i hareeji lejam lejamaagu, jiibru, baasal, ronkere liggeewi, nabbuuli daafooji, e maayde. Mi yenanaaka aan no ngoorudaa doo jooni. Ina waawi tawa ko a tumaranke, hada woddi galle maa. Ina waawi tawa hada wondi e jawdo gondoo hakkunde nguurndam e maayde. Ina waawi nih tawa ko a jiilotoodo liggeewi.

Kala heen ngonka maada, Geno ina wonda maa tee homo yidi wadande ma kaawisa hannde hono no o wadiratnoo e jamanuui booydi. Kala nde bernde maa wondi e mette, hada waawi hebde semmbe so a janngii Deftere Seniinde nde, deftere kaawisaaji.

Konnguli Geno fayde e oo Jamaanu Men

Won yimbe ina kula janngude Deftere Seniinde nde sabu be nanii ko nde wostaande. Ina waawi tawa jey sabaabu o ko nguurndam heewbe wiyoofo ko dooftiibe Deftere Seniinde nde. Heen sahaaji heden njiya Masiyan'koofo yaroobe sanngara, weddotoobe ceede, boornotoobe comci di timmaani, naamoofo

bamdi-tuge, kay balwube berde e yimbe wobbe.

Geno ko cemmbolindo baawdo reende Konngol Mum.

Kono noon, dee doo gedde kaantoridde fof ina kadaa e Deftere Seniinde he. So Masiyan'koofo dooftaaki ko Geno yamiri ko, duum takataa Konngol Makko duumingol ngol waklaade. Annabi Esaya winndiino, "Hudo yoorat, piindi daasdat, kono konngol Geno men laatoto haa cay" (Esaya 40:8). Mbela hodon cikki innam aadee en ina cemmbolini haa ina mbaawa wostaade konngol Geno, walla noon tawa ko be kolliraani no ngol foti wayde e nder nguurndam mabbe?

Deftere Seniinde nde ina siimta no annabi Daawuuda (burdo anndireede Dawud) e yimbe mum yettirnoo wakannde aadi nde, wakannde kanje wadnoonde Jamirooje Sappo nde. Jamirooje Sappo de ko sariyaaji Geno tottiri ngam anndinde en no potden wuurdude, tee di mbinndanoo ko e alluue

kaaye jaajde badaade e nder wakannde kanje nde. E nder yahdu mabbe, gorko gooto bellii junngo mum memi wakannde nde—doon e doon o yani o hawri e lajal!

So tawii Geno yamiraani juude mawnakiniide yo mem wakannde seniinde mooftunoonde Konngol Makko nde, hol no o yamirirta yimbe bonbe yo badtoro Konngol Makko binndangol ngol ko tayata e ko momtata? Geno ko cemmbolindo baawdo reende Konngol Mum.

E goonga e goonga, Deftere Seniinde nde woni deftere burnde yuunyee e aduna he. Ko booyaani ko, aynaabe Beduin tato to Palestiin—Muhammad Edh-Dhib, Jum'a Muhammad, kay Khalil Musa—pergitii njani e Guri Maayo Maayngo di. Dum ina jeyaa e jiitande paayodinnde ballooje en hannde haa mbaawen yuynitaade ko winndaa e Deftere Seniinde he kay ko winndaa e diin guri cuudinoodi jiitaadi jaaratenoodi e duubi 2.000. Nanndugol ngol ina haawnii, ina holla en tan lonnginooje Geno mbaawataa wosteede walla wakleede. So tawii hada sokli kaawisa, hada waawi yenaneede Deftere Seniinde nde ko nokku goonga to potdaa yeewde! Doo mbaawdaa tawde ciimti kaawniidi ko fayti e annabaabe hono Nuuhu, Ibraahiima, Yuusuf,